

*MASTER
NEGATIVE
NO. 91-80081-13*

MICROFILMED 1992

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR: BOEHLAU, CARL

TITLE: DE LYGDAMI
CARMINIBUS.

PLACE: NEUSTETTIN

DATE: [1876]

Master Negative #

91-80081-13

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

870.8
Z8 Bochlau, Carl,
v.7 ...De Lygdami carminibus, scr. Car. Bochlau...
Neustettin, druck von Arends, [1876].
8 p. 30 cm.

At head of title: Programm des Fürstlich Hedwig-
schen Gymnasiums zu Neustettin...

Volume of Pamphlets

44703

Restrictions on Use:

TECHNICAL MICROFORM DATA

FILM SIZE: 35 mm


REDUCTION RATIO: 13

IMAGE PLACEMENT: 1A (IIA) IB IIB

DATE FILMED: 6-26-91

INITIALS M.B.


FILMED BY: RESEARCH PUBLICATIONS, INC WOODBRIDGE, CT




AIM

Association for Information and Image Management


1100 Wayne Avenue, Suite 1100
Silver Spring, Maryland 20910
301/587-8202




Centimeter



Inches



MANUFACTURED TO AIM STANDARDS
BY APPLIED IMAGE, INC.



N^o 99.

Lygdami

No. 10

870.8

28

87 499

PROGRAMM

des

Fürstlich Hedwigschen Gymnasiums

zu NEUSTETTIN,

womit zur

öffentlichen Prüfung

am

7. und 8. April,

ergebenst einladet

Dr. S. Lehmann,

Director.



Inhalt:

1. De Lygdami carminibus. Ser. Car. Bochlau.
2. Schulnachrichten. Vom Director.

NEUSTETTIN,

Druck von M. Arends.

1876

De Lygdami carminibus.

Inter Lygdami carmina quae hodie libro tertio Tibullianorum continentur et Tibulli ipsius carmina tanta intercedit similitudo, ut non mirum sit, tandem hunc librum, praesertim cum inter Tibulli carmina inveniretur, huic poetae sine ulla dubitatione adscriptum esse. Sed postquam Vossius inter Lygdamm et Tibullum distinguendum esse studuit ostendere, eamque sententiam viri docti non modo comprobaverunt, sed etiam variis argumentis fulserunt, hoc tempore nemo iam Tibullum auctorem horum carminum existimare debet. Sed quamvis hoc quidem pro certo ducant, tamen de Lygdamo ipso interpretes inter se non consentiunt, praesertim cum his duobus poetis etiam Ovidius adiungendus sit, qui praeter Tibullum plurima cum Lygdamo communia vel similia habeat. Quae cum ita sint, factum est, ut quidquid de ratione, quae inter tres quos nominavimus poetas intercedit, statui potuit, re vera prolatum sit.

Atque Oebekius quidem ¹⁾ operam dedit ut evinceret hunc poetam, de quo agere nobis proposuimus, et ante Tibullum et ante Ovidium vixisse, qui ipsi cum imitati essent, atque „Cassium Parmensem verum horum carminum auctorem fuisse“. At contra Gruppius ²⁾ cum quae et in Ovidio et in Lygdamo similia inveniantur nimis premeret atque venustatem elegantiamque horum carminum falsis laudibus tolleret, contendere non dubitavit, sub Lygdami nomine Ovidium ipsum latere. Sed uterque horum gravissimis argumentis ab aliis viris refutatus est. Deinde Tenfelius in praefatione Tibullianorum carminum versionis Germanicae praemissa vult probare, Lygdamm, ut Tibullum imitatus sit ideoque post eum vixerit, ita ante Ovidium fuisse, qui haec carmina cognoverit, eisque in versibus componendis usus sit.

Reliquum erat ut aliquis quaestionem propositam, unde similitudines inter tres poetas ortae essent, ita expediret, ut demonstraret Lygdamm et post Tibullum et post Ovidium vixisse atque auctos imitatum esse. Quae sententia cum prolata, tum probata est ab L. Bollio, ³⁾ qui ceteris verbis locisque minoris momenti, quae Ovidio et Lygdamo communia sunt, neglectis duos potissimum locos confert, Ovidii trist. IV, 10, 5. 6:

Editus hinc ego sum, nec non ut tempora noris

Cum cecidit fato consul uterque pari

cum Lygdami V. 17. 18:

Natalem primo nostrum videre parentes

Cum cecidit fato consul uterque pari.

Ex eo quod Ovidius aptissime dixerit editum se esse, Lygdamm non apte primum diem natalem vidisse parentes Bollius efficit Lygdamm prave imitatum esse. Cui causae aliam subiungere debebat, quod Ovidius, qui ut alii poetae sibi proposuerat quaedam de sua vita posteritati nota

¹⁾ Jahresbericht des Gymnasiums zu Aachen, 1832.

²⁾ in libro suo: Die Römische Elegie, Lips. 1833 pag. 105 sep.

³⁾ Jahresbericht über das Gymnasium Leopoldinum etc. Detmold 1873.

facere (cf. Verg. Georg. lin.; Prop. l. 22) diem natalem suo loco indicat, in Lygdami autem carmine non est, cur ea res narretur, quoniam epistola ad amicos data longe aliud assequi vult, quam familiaribus rem, quae eis notissima esse debebat, versibus illustrare; nisi forte Gruppio assentiri dicenti (pag. 122) „jewe ihn auch nur der Gedanke des möglichen Todes darauf geführt zu haben scheint, sein Geburtsjahr durch den besprochenen Vers anzugeben.“

Tum inter se comparati sunt Ovid. am. II. 14. 23. 24:

Quid plenum fraudas vitem crescentibus avis.

Pomaque crudeli vellis acerba manu?

et Lygdami V. 19. 20:

Quid fraudare iuvat vitem crescentibus avis.

Et modo nata mala vellere poma manu?

In quibus cum Bollio statuendum est, similitudinem ab Ovidio allatam cum re ipsa optime consentire. Lygdammum autem eandem similitudinem, quamquam minime in ipsum quadraret, arripuisse.

Sed praeterea tertius locus Lygdami cum Ovidio nobis comparandus est. Lygdami carmen I. cum Ovid. trist. I. 1. quorum in utroque forma libelli dedicati describitur. Quae carmina item demonstrant. Lygdammum Ovidii imitatore esse, nam iam pridem interpretes observant, descriptionem libelli optime cadere in Ovidii affectionem animi, ineptissime a Lygdamo usurpatam esse. Quod si hic addimus quod Gruppianus ad suam sententiam fulciendam affert (pag. 139), iam neminem a nobis dissensurum speramus. Gruppianus igitur his versibus utitur: „Man überlege doch nur: wie sollte Ovid seine Tristien mit einer solchen Nachahmung beginnen haben! Wie sollte er den Anfang dieses auf so bestimmten Erfolg berechneten Werkes dem Anfang eines fremden nachgeben haben, und zumal da dieser Anfang die Dedication an Augustus, den vielbeschäftigten Steuerr, einbrachte!“ Quis dubitet, quin Gruppianus his verbis probaverit, id quod minime voluit, Lygdammum hanc similitudinem ab Ovidio mutuatum esse?

Quae cum ita sint, omnibus id quidem manifestum esse necesse est, Lygdammum et post Ovidium fuisse et eius carmina ante oculos habuisse. Videamus iam quid de horum carminum auctore pro certo statuere possimus. Atque Bollius quidem putat iure de Lygdami amore, paupertate, morbo dubitandum esse, cum quas res hic poeta sibi tractandas proposuerit „aut res saepissime tritae aut ab ipso Tibullo petita ingenti phrasium copia circumscriptantur.“ deinde cum „poeta aut solo locutiones hinc illinc petitas emulandi aut Tibullianorum versuum exprimeudorum studio ad rem male tractandam incitatus sit. Equidem vero rei ipsi quam Bollius probare vult assentior, causis autem ab eo allatis non item. Eas enim ad rem probandam leviores duco, quamvis rei probatae subsidio esse possint. Itaque iam exponendum est, quomodo ad eandem sententiam pervenerim.

De rebus quae Lygdami carminibus tractantur quaerere possumus, utrum poeta summi ipse amorem, an alterius cuiusdam quem dicentem fingit, an amorem aliorum hominum omnino fictum narret. Quarum questionum duae priores, quoniam verus amor celebratur, tam arte inter se cohaerent, ut eas tertiae opponere pro certoque constituere possimus Neerae quae vocatur amorem aut verum aut fictum esse. Neque desunt quae alterutram sententiam falsam esse doceant. Itaque mecum facile omnes sic statuent:

Si poeta vel sui vel alterius cuiusdam verum amorem celebrat quaecumque et de eo qui amat et de ea quae amatur leguntur inter se congruere necesse est; sin autem eadem secum repugnant, equidem contendere non dubito una cum amore etiam personas fictas esse neque poetam suum ipsius amorem dicere, ideoque viros doctos errasse, cum his carminibus ad vitam Lygdami enarrandam intererunt. In nostri autem poetae carminibus permulta secum repugnantia inveniri nemo ignorabat: cum autem ceteri id egerint, ut res inter se discrepantes quovis modo conciliarent, quippe quibus persuasum esset poetam suas res in medium proferre, equidem operam dabo ut ostendam in his carminibus tantam rerum discrepantiam inesse, ut nullo modo tolli possit. Quam ob rem iam consideremus quid poeta de se ipso, quid de necessitudine quae inter ipsum et Neeram erat vel apertius vel tectius profiteatur.

Ac primum quidem poeta avis Romanis in ipso operis initio gloriatur (I. 2.):

Exorietis nostris hic fuit annus avis.

„Praeterea Romanorum patrios mores ritusque poeta ille piissime observavit veluti matronalium celebrationem Kalendis Martiis (v. eleg. I.), et antiqua superstitione Romana mentem habet occupatam v. eleg. IV., 6.:

Vera movent Tuscis exta probata viris.

Atque poetam sibi non quonvis alium praetulisse apparet ex VI., 60, ubi Neerae pro opprobrio obicit quod ipsum fugiat

„ignotum cupiens vana puella torum.“

Manifestum igitur est poetam non ignotum sibi videri, quippe qui, ni fallor, propter carmina in ore Romanorum fuerit, id quod testatur carminis IV. v. 43, ubi Apollo Lygdammum „rite castum poetam“ appellat et v. 57, ubi Neera poetae „carminibus celebrata“ dicitur. His si adicies: auctorem horum carminum inveniri esse (IV. 73) copisque rei familiaris non egere, quod carm. III. 23:

„sit mihi paupertas tecum iucunda

significat se paupertate non premi, et in carm. II. lautissimam sepulturam sibi postulat et in carm. VI. tam opiparos apparatus describit, omnia fere habebis quae de auctore explorata sunt.

Vides igitur nomine Lygdami significari Romanum quendam et nobilem et divitem. Haec autem rei nomen Lygdami repugnat: id enim non Romani esse nemo est qui intellegat; restabat igitur ut interpretes auctorem consulto fictum nomen eiusdem quantitatis posuisse vellent. Quod hoc quidem loco nullo modo fieri potuit. Nam ex eo quod amorum poetae puellas amatas in carminibus non ipsarum nominibus celebrabant, non efficitur poetas de suis nominibus eodem more uti solitos esse: primum enim neque quisquam antiquorum homo litteratus id testatur, deinde et ceteri amorum poetae ipsi rei contrariae testimonio sunt. Ac nomen quidem Lygdami temporibus huius poetae vulgo servi fuisse iam ex Propertii carminibus (IV., 6 saepius: V., 7, 35: V., 8 saepius) qui ante Ovidium ideoque et ante Lygdammum fuit, notum est. Quid igitur est, quod auctor in titulo sepulcri servile nomen falso sibi tribui velit? humo si aliquando, hoc loco, id est in titulo, qui nomen mortui posteris hominibus tradere vult, verum nomen indicandum erat. Accedit quod Lygdammus in carminibus puellae amatae missis se falso nomine appellat, tanquam simpliciter breviterque dicat: „me pudet amoris tui, itaque ut hunc amorem etiam post meam mortem homines celebrent, fac in titulo meo quodvis alterum pro vero meo nomine incidat.“ Vides iam neminem posse a puella re vera amata tam inepta proscere. At ne quis mihi obiciat Lygdammum in carminibus quidem Neerae ipsi missis suum nomen professum esse, postea autem, cum haec carmina in lucem ederet, hoc loco falsum nomen Lygdami posuisse. Qua re auctor nihil prorsus assecutus esset quoniam verum nomen ex libello Neerae misso manifestum fieri debebat, ne dicam quam absurdum sit, si quis quidem amoris pudeat carmina de hoc amore conscripta sub falso nomine emittat. Iam igitur mihi probasse videor confictum nomen Lygdami neque in epitaphio neque in carminibus in laudem Neerae compositis ipsique puellae missis fuisse delere. Quod si verum est, concedatur oportet verum horum carminum auctorem, si Romanus fuerit, non suum ipsius amorem celebravisse.

Neque vero Neerae ipsius amorem his carminibus contineri, sed et nomen et personam a poeta confictam esse iam ostendam. Et in nomine quidem Neerae nemo iam haerebit quoniam forma Graeca pro ipso nomine Latino poesi amatoriae admodum usitata erat, dummodo idem syllabarum numerus retineretur. Cum autem quaeritur, quo loco Neera nata quaque condicione vitae et quibus rebus domesticis usa sit, alium locum carminis aliud probare invenimus. Nam perpaucas sunt, quae et secum et aliis cum rebus consentiant, velut Neeram formosam fuisse, IV. 57:

Carminibus celebrata tuis formosa Neera

id quod de sua quisque puella praedicabit. Maioris momenti videtur esse quod II., 13:

Sed veniat carae matris comitata dolore

matrem hoc tempore vixisse cognoscimus; sed id cum de permultis aliis puellis praesertim aetate florentibus dici potest, tum cum nullo alio loco conferri potest, siquidem manifestum est de omnibus parentibus dici posse quod auctor IV., 91—93 magno ore pronuntiat:

Sed (te genuit) culta et duris non habitanda domus

Et longe ante alias omnes mitissima mater

Isque pater quo non alter amabilior.

De ceteris vero rebus iam viri docti inter se dissentiunt. Alii enim Neeram et Romanam et e domo honesta fortunataque fuisse dicunt; neque desunt loci argumentaque quibus ea sententia confirmetur. Neera enim carm. I. ferias matronales agit; deinde I., 2:

Exorietis nostris hic fuit annus avis

nostri avi etiam puellae avi videntur, cum minus poetae avi isolentius ineptiusque dicerentur

nullis puellae avis, quae insolentia praeterea minime ad supplicantia amatoris verba convenit; tum Neaera l. 23 „casta“ vocatur, cumque poeta ut in matrimonium legitimum ducat omnibus locis optat. Porro autem adhibetur carm. ll. v. 15 seqq. his enim versibus nobis ostendi rem familiarem Neerae laud tenuem fuisse utpote a qua poeta tantos sumptus in iustis funeri suo solvendis petat: idque etiam in promptu esse, quod poeta l. 5—8 Neeram nihil pretii sibi petere sed carminibus gaudere dicat:

Dicite, Pierides, quoniam donetur honore
Sen mea, seu fallor, cara Neaera tamen.
Carmine formosae, pretio capiuntur avarae;
Gaudeat, ut dignast, versibus illa meis.

Quibus ex rebus apparere Neeram Romanam honestae conditionis vitae fuisse.

Nunc autem consideremus locos, qui huius sententiae repugnant. Ac primum quidem offendimus carm. l. 27:

Carmine formosae, pretio capiuntur avarae
quo versu, ut modo vidimus, interpretes ad sententiam longe aliam probandam utuntur. Sed iam antea a viris doctis observatum est non iustam oppositionem in hoc versu inesse, cum pulchritudo corporis saepe cum vitis animi coniuncta invenitur: quam difficultatem Dissenius expedivit contendens poetam eas formosas intellexisse quae corporis ingenique formam pulchram haberent et talem laudem tribuere Neerae voluisse: quae explicatio laud reiicienda est; nam ut verba quibus poeta utitur iure reprehendantur, ita, quid Lygdamus his verbis significatum velit, liquet: Feminae enim, quae eadem vitae conditione ac Neaera sunt, in duo genera distinguuntur, quorum alterum poetis, qui ingenio praevalent, alterum his, qui divitiis vitae cultum ornare possunt, secundas aures praebet; illius generis feminae formosae dicuntur, id est formosae avaritiaeque liberae; huius avarae, cum avaritia accedat ad corporis formam, iam deformes ne haec quidem esse possunt. Quae cum ita sint iam apparet Neeram ea vitae conditione fuisse, ut non indigna esset, quae cum avaris *formosae* componeretur licet Romana esset. Et cum iam ut Tibulli carminibus acquiescam non venit in mentem Nemesis Tibullianae, quae formosa eademque avara a poeta celebrata est quamquam divitem rivalem Tibullo praefert?

Quae praeterea Neeram laud honestae conditione fuisse probant, haec fere sunt: IV., 73, 74 Apollo somniant poetae dicit:

Nescis quid sit amor, juvenis, si ferre recusas
lunitem dominam coniugiumque feram.
Quodsi hi versus conferentur cum eiusdem carm. v. 57—60:
Carmine celebrata tuis formosa Neaera
Alterius mavult esse puella viri
Diversasque suas agitat mens impia curas
Nec gaudet casta nupta Neaera domo.

et cum v. 63, 64:

Sed flecti poterit: mens est mutabilis illis
Tu modo cum multa brachia tende prece

meum nexum sic intelleges:

Neaera antea Lygdamo faverat, eique nescio quomodo dona vel beneficia quaedam debebat, quoniam Apollo puellae obicit mentem impiam, id est ingrati gratiam cuiusvis modi laeserit. Postea autem Neaera poetam deseruerat cum alterius viri mallet esse puella, id est amica: hoc enim loco puellam non pro uxore legitima positam esse luce clarius apparet ex v. 60:

Nec gaudet casta nupta Neaera domo.
id est nupta in casta domo esse non vult. Qui locus varie vexavit interpretes, quoniam alteri quamquam Neeram infidam dici concedebant, tamen non dubitaverunt contendere hoc loco indignationem poetae erumpere, quia illa alium virum praetulisset. Sed meminere velim primum haec esse verba Apollinis, „non fallacis vatis“, qui minime indignatione affici debet: tum ea verba exstare in carmine, quod Lygdamus ad Neeram misit eo consilio ut puellae gratiam sibi reconciliaret. Quid igitur indignatio, immerenti amicae opprobria turpissima obiciens, hoc loco sibi vult? Immo poeta perfidiam libertinae amicae conqueritur, eiusque conditionis mulier perfidiam obiectam, ut satis alii amoris poetae decent, non graviter fert sed ridet. Alteri autem hoc loco „castam domum“ honestae simplicitatis vel paupertatis domum significare exemplis docuerunt. Sed recte fieri potuit, ut

Lygdami domus hoc sensu casta diceretur, cum rivalis, cui Neaera Lygdamum postposuit, „ignotus vir“ (VI., 60) esset? An potius, cum lautissima Lygdami convivia Neaera fugiat (VI., 59 60) ignoti viri torum cupiens, rivalis domus hoc sensu casta appellanda est? Itaque hoc loco Dissenii explanatione acquiescamus: „sed ut vobis videtur una eademque sententia iust in hoc et antecedenti disticho, dicitur deus aliis verbis hoc unum infidam esse Neeram.“

Sed redeamus unde v. 60 explicantes aberravimus Neaera igitur alius viri amore capta poetam neglexerat novo amatori favens: idque poetam non aequo animo tulisse docent eiusdem carminis v. 20:

Somnus sollicitas deficit ante domos

et v. 53—56:

Pro qua sollicitas caelestia numina votis,
Quae tibi securos non sinit ire dies,
Et cum te fusco somnus velavit amictu,
Vanum nocturnis fallit imaginibus

Frustra igitur adhuc operam dederat poeta, ut cum Neaera in gratiam rediret, Apollo autem consolatur igitur ad quas molestias vel indignitates perferendas amor impellat; illum nondum omnia expertum esse: pergeret modo omni ope atque opera eniti ut gratiam puellae recuperaret; Neeram ei iterum reconciliatum iri (scilicet: fore ut eam etiam novi amatoris paulo post taederet). — Ergo fieri non potest, quin Neaera his versibus carm. IV. adhuc tractatis mulier libertinae conditionis fuerit.

Agressuris ad nonnullos locos carminis VI. explicandos primum de voce puellae nobis dicendum est. Atque equidem scio puellam non proprie de virginibus dici sed quamvis feminam aetate florentem significare, sive inuptam sive sponsam sive nuptam. Itaque ex eo, quod Lygdamus Neeram „puellam“ appellat, nondum efficere possumus qua necessitudine inter se coniuncti fuerint. Attamen, quoniam haec vox puellae tam incerta est, semper, quo sensu ceteris carminis locis accipiat, considerandum; itaque iam proferam VI., 11, 12:

Aut siquis vini certamen mite recusat
Fallat eum tecto cara puella dolo

et VI., 43, 44:

Vos ego nunc moneo: felix, quicumque dolore
Alterius discas posse cavere tuum

atque versibus hos sequentibus monet poeta ne capiamur illecebris puellarum. Quis igitur est quin videat his locis de libertinis agi? Idemque, nisi alia obstant, etiam de ceteris locis, ubi de Lygdami puella dicitur (56, 56: perfida; 65 fallacis puellae), coniciendum est. Tantum autem abest, ut quaedam obstant, ut idem confirmet velut v. 59:

... si fugiat nostrae convivia mensae

Non dubium est quin poeta convivia intellegat, quae cum amicis instituere consueverit, atque hoc ipso carmine describat. Quid autem uxori Romanae erat cum tali compotum societate? Adde v. 25, 26:

Sed procul a nobis hic sit timor, illaque, siquast
Quid valeat laesi sentiat ira dei.

Hoc loco cum interpretibus nescio an non consentire possim, qui sensum horum versuum ita explicant: Et si deus non rite a nobis colitur bibendo, si laeditur nimia severitate nostra, illa potius perfida poenas dei lnat, quae causa mihi tristitiae. Qui cum Neeram uxorem aut certe sponsam Lygdami putant, quomodo hunc sensum defendere possint equidem nescio. Nam quid est, quod Neaera causa tristitiae sit, quae propter divortium factum poetam ad convivium celebrandum moverit? Aut cur poetam tristorem vel severiorem ceteris convivis putemus, qui magister bibendi omnes, qui convivio intersunt, poenas gravissimas Bacchi enarraus non etiam tum levitatem puellarum conquerens, ad bibendum invitet? Qua re mihi probatur alius isque simplicior nexns. In hemistichio

„sed procul a nobis hic sit timor“

„sit“ non est optativus, quod si verum esset; „poena“ procul a nobis sit dici debebat, non timor poenae; tum vero, quia poeta versibus sequentibus optata irrita iubet, etiam hoc ipsum optatum irritum iuberet, quod absurdum est. Immo „sit“ est coniunctivus potentialis ab eoque dicitur, qui confiduntur „est“ dicens deum laedere vereatur. Itaque sensum horum versuum

sic explicabimus: nos quidem, qui bibendo deum colimus, timore poenae liberi sumus, at illa, quae nostra convivia fugit atque „nimum nimiumque severa“ „vinis iocosis“ abstinet, deo poenas huius. Quam ob causam manifestum est poetae hoc loco non uxorem vel sponsam sed libertinam observari.

Ergo quoniam Neaera modo mulier honestae conditionis modo libertina habenda est, id nos statuere necesse est, eam re vera neque uxorem Lygdami neque libertinam fuisse, quoniam poeta in ea depingenda sibi non constitit.

Quod ad necessitudinem, qua Lygdamus, antequam haec carmina in lucem mitteret, cum Neaera coniunctus erat, attinet, alii Neaeram uxorem alii sponsam poetae fuisse dicunt. At omnes loci, qui eam libertinam ostendunt, eidem docent coniunctionem amborum talem fuisse, qualis inter iuvenes Romanos libertinasque usitata erat. Omnino autem ambos aliqua necessitudine coniunctos fuisse, demonstrant carm. II., 3—5:

Durus et ille fuit, qui tantum ferre dolorem.

Vivere et crepta coniuge qui potuit.

Non ego firmis in hoc

carm. III., 25—27:

O niveam, quae te poterit mihi reddere, lucem!

O mihi felicem terque quaterque diem!

At si, pro dulci reditu quaecumque voventur

carm. III., 35:

At si fata negant reditum tristesque sorores

carm. VI., 26:

Quamvis nulla mei superest tibi cura, Neaera.

Sed nescio, an his locis alii repugnent, ubi de futura non reconciliatione, sed simplici coniunctione dicitur, velut I., 2 „capimur“ non recipimur, III., 7 (quid prodest caelum votis impluisse)

Sed tecum ut longae „sociarem“ gaudia vitae

non ut iterum sociarem.

Aliis locis Neaera uxor Lygdami erat, velut II., 13, 14:

Sed veniat carae matris comitata dolore

Maereat haec genero, maereat illa virum

et II., 29, 30:

Lygdamus hic situs est: dolor huius et cura Neerae.

Coniugis creptae, causa perire fuit.

inprimis autem I., 23:

Haec tibi vir quondam, nunc frater, casta Neaera,

Mittit

Quondam enim particulam hoc loco non tempus futurum sed praeteritum significare, docet, ut iam ab aliis observatum est, oppositum „nunc“ frater; huc adde v. 20:

. . . . an toto pectore deciderim

nam qui decidit aliquando in pectore fuisse necesse est; postremo autem sensus huius versus non est, quem tu blanda voce virum tuum nominare solebas, sed qui tunc vir erat; quodsi non optimo iure vir fuisset, id nomen hoc loco „castam“ Neaeram gravi ignominia afficeret.

Sed cum tribus his locis discrepant IV., 79, 80:

Hoc tibi coniugium promittit Delius ipse,

Felix hoc alium desine velle virum

et III., 31, 32:

Haec alii cupiant: liceat mihi paupere cultu

Securo cara coniuge posse frui,

ubi de futuro coniugio agitur. Quam discrepantiam ut tollerent viri docti Neaeram non coniugem sed sponsam fuisse contenderunt, quoniam et alias saepe nomina viri, coniugis non proprie usurparentur. Quodsi verum esset, mirandum est, cur neque Neaera, cui tot varia nomina: puellae, sororis, dominae coniugis dantur, nusquam hoc ipso nomine sponsae, neque Lygdamus nomine sponsi nominetur. Accedit, quod modo demonstravimus, fieri non posse quin I., 23 de legitimo coniugio dicatur.

At sive coniux sive sponsa sive libertina Neaera erat, id retinendum videtur, quam cum poeta habebat coniunctionem, eam diremptam esse. Iam autem quaestio oritur: quisnam erat, qui

amantes diremerit? Utrum parentes puellae, an rivalis Lygdami, an puella ipsa coniugium dissolvit? Ac parentes puellae ab hoc poeta laudibus efferuntur IV., 93, 94:

Et longe ante alias omnes mitissima mater

Isque pater quo non alter amabilior

sed non ut Lygdamus eos sibi reconciliet, nam quae laudes parentum leguntur, eiusmodi sunt, ut parentes concordiam reficiant, non discordiam concitent; et quod matris II., 13 mentio fit idem fere valet atque quod Neaera hoc carmine coniux appellatur. Parentes igitur coniugium non diremerunt. Sed coniugium nescio a quo re vera dissolutum est. cf. II., 4 „crepta coniuge“ et II., 30 „coniugis creptae“, idque a rivali factum plerique putant. Quomodo autem factum est, ut Lygdamus nusquam rivalem ipsum memoret, eumque, qui gaudia tantopere optata turbavit, paene aequo animo „alterum virum“ (IV., 58) et „ignotum“ tantum nominet, idque in ipso carmine VI., quod non in Neerae amatae manus pervenit, sed postquam spes amoris poetam omnino iam fecellit, compositum est. Quid quod carm. II. v. 1 et 2:

Qui primus eam iuveni carumque puellae

Eripuit invenem, ferrens ille fuit

per se ponderati non tam rivalem quam lenonem significare videntur? At Neaera neutiquam Lygdamo ab aliquo crepta erat, sed sua voluntate societatem pro tempore sibi molestam ipsa resolvit, ut manifeste docent carm. IV., 58:

Alterius mavult esse puella viri

et carm. VI., 58, 59:

Non ego, si fugiat nostrae convivia mensae

Ignotum capiens vana puella torum.

Quae cum ita sint, et de necessitudine, quae inter Lygdamum et Neaeram erat, idem atque de Lygdamo et Neaera ipsis statuere possumus, poetam sibi non constitisse.

Omnibus igitur, quae adhuc protulimus, perpensis omnes iam spero mihi assensuros haec carmina non de ipsius poetae amore scripta esse sed de amore quarundam personarum a poeta ita conficta, ut amator loquens vel versus scribens indicatur. Sed in tanta omnium rerum discrepantia quidnam revera poeta sibi proposuit narrare, et quid est quod cum in tot errores illexerit? Equidem, si de iis rebus nobis suspicari licet, omnes difficultates ita facillime expediri puto. Poeta nescio quis consilium ceperat amorem fictum narrare talis quidem viri, qui a coniuge divortio seimetis omnibus precibus frustra elaboraret, ut eum ea in gratiam rediret. Cur autem nuptias diremptas esse cogitem iam exponam. Quamvis multa hic poeta ex Tibulli aliorumque poetarum carminibus sibi vindicaverit, tamen (id quod accuratius demonstrare exiguitas spatii concessi prohibet) his omnibus rebus plerumque reconditis aliquid additum esse apparebit; itaque mihi haud ita incredibile videtur his carminibus amorem mariti divortio seimetis decantari. Deinde Lygdamus carmine primo, quod re vera (id quod paulo infra paucis attingam) primum horum carminum est, et quo consilium poetae maxime elucere necesse est, „virum quondam“ se appellat. Postremo autem, hoc poetae consilio posito difficultates mea quidem sententia optime tolluntur. Poeta enim, quoniam consilium institutum accurate sibi constanter pertractaret, impediatur reliquorum poetarum memoria atque notitia, qui amorem libertinarum atque invenum Romanorum, non mariti atque uxoris inter se seimetorum tractabant; itaque etiam coniugium promissum levius valere mihi videtur, quippe quod ab eiusmodi poetis de qualibet societate amantium usurpari possit.

Sunt et alia, in quibus, si meam de his carminibus sententiam sequeris, non enim aliter indicantibus offendes. Atque nomen Lygdami ipsum iam non plus offensionis habebit, quam vel Titus Tibullianus (Tib. I., 4) vel aliud quod nomen. Deinde quoniam nemo vilitatem poesis nostrorum carminum in dubium vocat, haud miraberis, quantum intersit inter amatorem Lygdamum tam flebiliter amorem puellae petentem et inter malum poetam Lygdamum, „cuius poesis magis traheretur ad externas res describendas, cuiusque ingenium non idoneum erat sensibus animi gravioribus vivide depingendis“ (Dissen, introd. ad 2 extr.)

Restat ut quaeramus, num res reperiantur, quae nos inter poetam et amatorem discernere velimus. Equidem vero nihil invenio. Nam quod Teuffelius contendit [denn daß Lygdamus der wirkliche Name des Helden dieser Elegien (und damit zugleich ihres Verfassers) sei, können wir bei der unglücklichen Beschaffenheit dieses Namens ebenso wenig glauben, als wir eine Trennung zwischen der Person des unglücklichen Bräutigams und der des Verfassers zulässig finden, was schon durch die profane Ähnlichkeit der behandelten Verwicklung, sowie durch Elegie 5 ausgeglichen ist] argumentis nullius momenti nititur; alterum

enim (die profaijße Mächtigkeit der behandelten Verwicklung) est mali poetae, qui arte inveniendi una cum multis aliis artibus caret; alterum autem, eleg. V. non magis probat, quam eleg. VI. Ut enim carmina quattuor priora Neerae missa sint, quid sibi volunt eleg. V. et VI.? Quod si ita esset, poeta carmine sexto suam ipse ignominiam defectumque virtutis edidisset atque carmen V. addidisset nihil aliud contendens nisi ut volumen in lucem emissum plenius fieret. Immo carmen sextum documento est omnibus his carminibus non verum amorem celebrari: nam et compositio ipsa et varii affectus (ut totus amor ipse) conficti sunt, ut poeta propositum quod versibus 59 et 61 continetur.

Non ego, si fugiat nostrae convivia mensae

Sollicitus repetam tota suspiria nocte . . .

ita ut opposita tractaret perageret. Recte igitur Dissenius pag. 371: „nec valedixit tali carmine Tibullus amatae prius Deliae sed tacite discessit,“ et ut addam tali carmine nemo, qui vere amabat, valedicit amatae puellae. Carmen V. autem a poeta compositum et huic volumini, quamquam nihil ad Neerae amorem pertinet, insertum est, cum, ut mihi quidem videtur, poeta etiam apud alios amorum auctores epistulas, quibus nihil cum ipsius poetae amore erat, ad amicos missos invenerit. Itaque et disticho illi, quo poetae dies natalis indicatur, praesertim cum id ex Ovidio sumptum sciamus, nullam fidem habeo.

Quod igitur pro certo de horum carminum auctore statuere possumus, hoc tantum est poetam non cum amatore confundendum esse: sed satis habemus demonstravisse, quae de Lygdani vita rebusque continentur his carminibus, iis non utendum esse ad poetae vitam illustrandam.

In fine huius libelli liceat mihi paucis attingere, nos etiam alia via ad eundem finem pervenire posse, examinanda minusculisque elegiae compositione et totius horum carminum seriei. Carmina enim quattuor priora minime ad Neeram missa sunt: primum enim in iis haud desunt loci, qui auctorem in iis conficiendis iam finem amoris, qui carmine demum sexto non ad Neeram misso cantatur, novisse demonstrant; deinde si paulo attentius haec quattuor carmina examinaveris, facile reperies carmen primum, quo haec carmina ad Neeram missa esse indicatur, quodque ordine temporis postremum esse debet, re vera a poeta prius quam cetera compositum esse.